



050010 Алматы қаласы, Жібек жолы д-лы, 5
тел.: 8 (727) 382-35-15, факс: 8 (727) 382-35-56

050010 город Алматы, пр. Жибек жолы, 5
тел.: 8 (727) 382-35-15, факс: 8 (727) 382-35-56

№ 2 ҚАУЛЫСЫ
28 қаңтар 2021 ж.

ПОСТАНОВЛЕНИЕ
№ 2 от 28 января 2021 г.

**Алматы қаласында коронавирустық
инфекцияның алдын алу жөніндегі
одан әрі шектеу шаралары туралы**

Алматы қаласының тұрғындары арасында COVID-19 (бұдан әрі-COVID-19) коронавирустық инфекциясының таралуының алдын алу мақсатында, «Халық денсаулығы және денсаулық сақтау жүйесі туралы» Қазақстан Республикасының 2020 жылғы 7 шілдедегі Кодексінің 104-бабының 1–тармақшасына және «карантиндік шектеу шаралары және оларды кезең-кезеңімен жеңілдету туралы» Қазақстан Республикасының Бас мемлекеттік санитарлық дәрігерінің 2020 жылғы 25 желтоқсанындағы № 68 қаулысына сәйкес, **ҚАУЛЫ ЕТЕМІН:**

1. Аудан әкімдері, мемлекеттік органдар, құқық қорғау және арнайы органдар «Карантиндік шектеу шаралары және оларды кезең-кезеңімен жеңілдету туралы» Қазақстан Республикасы Бас мемлекеттік санитарлық дәрігерінің 2020 жылғы 25 желтоқсандағы № 68 қаулысына сәйкес Алматы қаласындағы келесі шектеулер мен рұқсаттардың орындалуын қамтамасыз етсін:

1) ойын-сауық, спорттық іс-шараларды, көрмелерді, форумдарды, конференцияларды, сондай-ақ отбасылық, салтанатты, естелік іс-шараларды (банкеттер, үйлену тойлары, мерейтойлар, еске алу), оның ішінде үйде және адамдар көп жиналатын өзге де іс-шараларды өткізуге тыйым салуды;

2) ойын-сауық мекемелерінің (жабық үй-жайлардағы балалардың ойын алаңдары мен аттракциондары, батуттар және басқалар), букмекерлік кеңселердің қызметіне тыйым салуды;

3) мәдениет объектілерінің (репетиция), театрлардың, кинотеатрлардың қызметіне тыйым салуды;

- 4) облысаралық және қалалық тұрақты емес (туристік) тасымалдау қызметіне тыйым салуды;
- 5) 15 адамнан аспайтын кезекші топтарды қоспағанда, мектепке дейінгі балалар мекемелерінің қызметіне тыйым салуды;
- 6) маусымдық балаларды сауықтыру ұйымдарының (лагерьлердің) қызметіне тыйым салуды;
- 7) коронавирустық инфекцияның барлық нысандарындағы науқастарды міндетті түрде ауруханаға жатқызуды;
- 8) жұмыс күндері сағат 10.00-ден 20.00-ге дейін СОСО, сауда үйлері мен сауда желілерінің қызметін шектеу, сенбі және жексенбі күндері қызметке тыйым салуды;
- 9) жеке тұрған және ірі сауда объектілерінде орналасқан азық-түлік супермаркеттерінің, азық-түлік дүкендері мен дәріханалардың штаттық режимде толтырылуы 30% - дан аспайтын және бір келушіге 4 шаршы метрден кем емес, ҚР БМСД №67 Қаулысының талаптарын сақтай отырып жұмыс істеуіне рұқсат беруді;
- 10) толтырылуы 30% - дан аспайтын және бір келушіге 4 шаршы метрден кем емес, әлеуметтік қашықтықты, маска режимін, күшейтілген санитарлық-дезинфекциялық режимді қатаң сақтай отырып, сенбі және жексенбі күндері тыйым салумен жабық (азық-түлік, азық-түлік емес) базарлардың жұмысын сағат 17:00-ге дейін, жексенбі күндері тыйым салумен ашық (азық-түлік, азық-түлік емес) базарлардың жұмысын шектеуді;
- 11) қоғамдық тамақтану объектілерінің қызметі (толтырылуы 50% - дан артық емес, бірақ 50 орыннан артық емес, әр үстелде 4-тен артық емес отыратын орын, әлеуметтік қашықтықты, маска режимін, термометрия, күшейтілген санитариялық-дезинфекциялық режим сақтай отырып) сағат 9.00-ден 20.00-ге дейін және ұжымдық іс-шаралар өткізбей шектеуді;
- 12) сауда-ойын-сауық орталықтары мен сауда үйлерінде орналасқан қоғамдық тамақтану объектілері мен фудкорттардың жұмысын шектеуді, тек қана сауда-ойын-сауық орталықтары мен сауда үйлерінен тыс жерлерге уақыты бойынша шектеумен 7.00-ден 20.00-ге дейін алып шығуды және жеткізуді;
- 13) Сауналар, СПА-орталықтар, бассейндердің күнделікті жұмысын сағат 8.00 ден 21.00 – ге дейін шектей отырып, сенбі – жексенбі күндері қызметіне тыйым салуды;
- 14) 1000 ш. м. астам алаңы бар сауда объектілерінің (СОСО, СУ, базарлар) және қоғамдық көліктің басшылары мен иелерін келушілердің өз объектілерінде әлеуметтік қашықтық пен бетперде режимін сақтауын тұрақты бақылау үшін санитариялық патрульдерді қалыптастыруға міндеттеуді;
- 15) технологиялық процес жұмысшылардың жұмыс орнында және қаланың тыныс-тіршілігін қамтамасыз ететін мемлекеттік органдардың, ұйымдар мен объектілердің болуын болжайтын өнеркәсіптік, құрылыс және өзге де ұйымдарды қоспағанда, қызметкерлерінің саны 20 және одан көп адам болатын ұйымдар жұмысшыларының 80% - ын қашықтықтан жұмыс режиміне көшіруді. Ұйымдардың қашықтан жұмыс істеу режиміне ауысуын бақылау алгоритмін әзірлеуді және қолданысқа енгізуді;
- 16) банктердің, «Қазпочта» АҚ, ХҚКО бөлімшелерінің жұмысына сағат 9.00-ден 18.00-ге дейін, халықты алдын ала жазылу бойынша қабылдауға (әлеуметтік қашықтықты, маска режимін, термометрияны, күшейтілген санитарлық-

дезинфекциялық режимді сақтау) рұқсат етуді, ХҚКО-дағы ауаны экрандалған бактерицидті қондырғылармен залалсыздандыруды және күту залдары мен үй-жайлардың ішке сору-сыртқа шығару желдеткішін қамтамасыз етуді;

17) ҚР БМСД №67 қаулысының талаптарын сақтай отырып, ашық ауада аттракциондардың қызметіне рұқсат беруді;

18) ұжымдық іс-шараларды (намаз және Құдайға құлшылық ету) діни өткізбей діни объектілердің қызметіне рұқсат етуді;

19) ашық ауада жеке және топтық жаттығуларға рұқсат беруді (топта 5 адамнан артық емес);

20) Ұлттық құрамалар, клубтық командалар үшін спорттық жаттығуларға (30 адамнан артық емес, байланыссыз термометрия, спорттық базаларда тұру) рұқсат беруді;

21) 5 адамнан аспайтын жеке және топтық жаттығуларға арналған спорт кешендерінің қызметіне рұқсат беруді;

22) ұлттық күнтізбемен бекітілгендерді қоспағанда, жабық үй-жайларда өткізілетін спорттық жарыстарға тыйым салуды;

23) қоғамдық көлікке, әуежайларға, ауладағы балалар алаңдарына, азық-түлік және азық-түлік емес базарларға және басқа да қоғамдық орындарға санитариялық және дезинфекциялық өңдеу жүргізуді;

24) тұрғын үй саясаты басқармасы COVID-19 белсенді ошақтары бар үйлердегі кіреберістер мен лифтілерді аптасына 3 рет, Дезинфекция орталығына - коронавирустық инфекция ошағын қорытынды дезинфекциялау кезінде 1 рет; Қазақстан Республикасында рұқсат етілген дәрілерді қолдана отырып, дезинфекциялық өңдеуді;

25) мемлекеттік органдардың қызметкерлерін (әкімдіктердің және олардың құрылымдық бөлімшелерінің, прокуратураның, полицияның, Алматы қаласы ТЖД аудандық бөлімшелерімен, сыбайлас жемқорлыққа қарсы қызметтің, соттардың, санитариялық-эпидемиологиялық қызметтің, әлеуметтік қорғаудың), сондай-ақ волонтерлерді (әкімдіктердің ұсынған тізімдеріне сәйкес), мәйітхана және сот-медициналық сараптама қызметкерлерін ай сайын бір реттік зертханалық тексеруді қамтамасыз етуді;

26) Қазақстан Республикасы Ұлттық Банкінің және Қазақстан Республикасы Қаржы нарығын реттеу және дамыту агенттігінің актісіне сәйкес уақыты мен саны бойынша шектей отырып, қаржы нарығы субъектілерінің қызметіне рұқсат беруді;

27) маскалық режимді және кемінде 2 метр қашықтықты сақтай отырып, 15 адамнан аспайтын жеке және ұымдасқан топтар үшін ерекше қорғалатын табиғи аумақтарға (мемлекеттік ұлттық табиғи парктерге, қорықтарға, резерваттарға және басқаларға) баруға рұқсат беру;

28) қаланың тыныс-тіршілігін қамтамасыз ететін ұымдар мен объектілерді қоспағанда, көзбе-көз режимде кеңестер (отырыстар) өткізуге тыйым салуды;

29) «Балдәурен» республикалық оқу-сауықтыру орталығы» және «Бөбек» Ұлттық ғылыми-практикалық білім беру және сауықтыру орталығы» РМҚК қызметіне рұқсат беруді;

30) күшейтілген санитарлық-дезинфекциялық режимді сақтай отырып, арнайы, мамандандырылған ұымдардың, ерекше білім беру қажеттілігі бар

балаларға арналған арнайы мектеп-интернаттардың (оның ішінде ата-анасының қамқорлығынсыз қалған жетім балаларға арналған), жалпы және санаториялық үлгідегі мектеп-интернаттардың, дарынды балаларға арналған мектеп-интернаттардың қызметіне рұқсат беруді;

31) топтарды толтыру кезінде 15 адамнан артық емес. алдын ала жазылу бойынша балалардың түзету кабинеттерінің, балалар мен ересектердің білім беру орталықтарының қызметіне рұқсат беруді;

32) Қазақстан Республикасының Бас мемлекеттік санитарлық дәрігерінің 25.12.2020 ж. №68 қаулысының 4-қосымшасына сәйкес критерийлер негізінде әлеуметтік-экономикалық объектілердің жұмысына рұқсат беруді және шектеуді.

2. Алматы қаласы аудандарының әкімдері қамтамасыз етсін:

1) Қызметі рұқсат етілген объектілерде карантиндік шаралардың, санитарлық-дезинфекциялық режимнің сақталуын бақылау. Бұзушылықтар анықталған жағдайда «Әкімшілік құқық бұзушылық туралы» 2014 жылғы 5 шілдедегі Қазақстан Республикасының Кодексіне сәйкес әкімшілік шаралар қолдануды;


2) қызметі шектелмеген объектілерді қоса алғанда, Қазақстан Республикасының Бас мемлекеттік санитариялық дәрігерінің 2021 жылғы 25 желтоқсандағы №67 қаулысымен белгіленген объектілерге қойылатын талаптарды сақтай отырып, ҚР Бас мемлекеттік санитариялық дәрігерінің 2021 жылғы 25 желтоқсандағы № 68 қаулысына 1 және 2-қосымшаларға сәйкес, Қазақстан Республикасының Президенті жанындағы экономикалық өсуді қалпына келтіру жөніндегі мемлекеттік комиссия отырысының 2020 жылғы 30 шілдедегі №6 хаттамасының 2.6-тармағын басшылыққа ала отырып, объектілердің қызметін қайта бастауды.

3. Алматы қаласының Бас мемлекеттік санитариялық дәрігерінің 2020 жылғы 30 қазандағы «Эпидемияға қарсы санитарлық-профилактикалық іс-шаралар жүргізу туралы» №2 қаулысының, 26.10.2020 ж. «Алматы қаласында коронавирустық инфекция ауруының алдын алу жөніндегі одан арғы шаралар туралы» 26.10.2020 ж. №64 қаулысының, «Алматы қаласының Бас мемлекеттік санитарлық дәрігерінің 26.10.2020 ж. № 64 қаулысына өзгерістер мен толықтырулар енгізу туралы» 2020 жылғы 09 қарашадағы №65, 2020 жылғы 23 желтоқсандағы № 66 қаулыларының күші жойылды деп танылсын.

4. Осы қаулының орындалуын бақылауды өзіме қалдырамын.

5. Осы қаулы 2021 жылғы 01 ақпаннан бастап күшіне енеді.

**Алматы қаласының
Бас мемлекеттік
санитарлық дәрігері**



Ж. Бекшин